

169 193

# QUÆSTIO MEDICA

QUODLIBETARIIS DISPUTATIONIBUS

MANE DISCUTIENDA

## IN SCHOLIS MEDICORUM.

Die Jovis 21. Januarij.

M. PHILIPPO HARDUINO DE S. JACQUES  
DOCTORE MEDICO, PRÆSIDE.

*An morbis oppugnandis & expugnandis Stibium ?*

I.

**S**TIBIUM στυβιον & πυρρηνος fossile est medium inter lapidem & metallum, propria forma instructum, quod non concrecit ex sulphure & hydragyro, ut nec cætera corpora metallica, quidquid clamitent chemici χημικοι : sed in propriis matricibus & venis generatur, cum calor subterraneus ex peculiaribus atque definitis terris halitus exprimit ejus generationi idoneos, qui ubi penetraverint per rimas in metallicarum venarum saxa fecunda, virtute μεταμορφωτική ingenitâ, loci frigiditate, & siccitate, in metalli duritiem & densitatem coguntur. χρυσός est σίβις non ελατός. Optimum censetur σικωτότατος & λαμπρότατος, seu radians, splendidissimum, cicindelarum modo emicans, confractucrustosum, friabile, nil terræ aut sordium continens. ad κορηστικόν attinens γυναικίον & όματογέρον appellatur, quoniam intrito Stibio mulieres ciliis superciliisque lineamenta adumbrata depingebant ad ornatum, & nigro colore tingentes gratiam oculis conciliabant, ideò χρῶμα μολυβδίνιον μέλαν dictum est, & σιμμιματα παρθεμματα & όφθαλμον designant, sed quia artificiosa isthæc tinctura in callibepharis mulierum oculos dilatare videbatur, παλινόρθωμον vocitarunt. Inter metallica corpora præstantissimum locum obtinet σίμμις, plumbum & stannum dignitate superans, quibus robor addit & firmamentum, splendorem & duritiem illis conciliat, unde antimonium denominatum quasi sit αὐτῷ ἀμμιον, & quoniam morbis reluctatur contumacissimis ab ἀντιμένοι nonnulli dictum putant, vel ab ἀντι & μένοι quia summo cum vigore pertinacissimis & periculosissimis affectibus obstitit. Nummarij adamantis maculas eo eluunt. Metallici campanas ejus permixtione sonoras reddunt, fistulas εὐνοχέας & patinas æmulantes argenteas atque vim ignis eludentes. Calcographi & typographi Stibio carere non possunt; ferri, auri, cæterorumque metallorum fufuram promovet & aurum innoxie expurgat.

II.

**Σ**TIMMI secundum frigiditatis gradum non transcendit, siccitatis tertium, ad facultatem desiccantem adjunctam habet adstrictionem, meatus

obstruit, excrecentes carnes cohibet, ulcera ad cicatricem perducit, oculorum expurgat ulcera, sanguinem è meningibus profluentem sistit, ambusta igni in pustulas erumpere non patitur. Veteres Medici ex eo collyria sicca & liquida parabant, quale est Galeni aridum ad tuendam oculorum valetudinem, quibus robur addit, & humores in illos decumbentes arcet, oculorum prophylacticum: *ῥεοδόνιον* ad epiphoras commendat. & *αὐθήμερον* ophthalmias sedans è Stibio conflatum. Item *φινάβαργον* malabatrinum *ἰέρθεον* & oxydercicum. Non solum externis, sed etiam internis remediis annumerandum est: assumptum Stibium ventriculo convenit & intestinis, quæ roborat & demulcet, humorum instantium acrimoniam retundens ulcuscula tandem inducentium; intemperiem calidam infringit & putredinem contrariis illi qualitatibus coërcet. quibus de causis Stibij crudi decoctum in plurimis morbis propinatur scilicet cum successu, etiam malignis: quod adstrictione sua humores superfluos exprimit & siccitate absorbet, vi sua apocroustica acres humores expellit, qui inflammationem & continui solutionem inducerent. Hippocrates ad curationem *ἐν τῷ ἐνδορῶδον* præscribit, *ἰερίον* illud appellans, quod exponunt post Galenum, divini interpretes Stibium, quod antiquitus usum formabatur in pastillos quadrangulares: illud per os assumptum bilem æruginosam istius morbi causam tenaciter parietibus intestinorum, potissimumque ilei adhaerescens *καθάρει*, quibus excretis cephalalgia sympathica evanescit, quam errhinum sedare non posset, pravis illis humoribus in mesenterio, pancreate & intestinis remanentibus, qui ab aliis catharticis etiam mochlicis, hippophais succo & elleboro prius exhibitis, evacuari non potuerunt.

## III.

**PURGANTIS** nomen meritò sibi vendicat Antimonium, ideirco pluribus morbis internis debellandis idoneum: non inter blanda medicamenta reponendum, quæ primam duntaxat corporis regionem purgant, humores coctos & excretioni paratos, eductu faciles è propinquis solum sedibus evocant; sed inter mochlica recensendum, quæ medico necessaria sunt, cum constet debilius pharmacum, non posse crebritate vel copia vicem supplere violentioris, nec clementioris diversæ præparationes, illud ultrà sphaera suæ activitatis limites extendere valeant; rheum nunquam scammonij vires æquabit, nec sena ellebori nigri, neque scammonium colocynthidis. Cum itaque non sint æquiparabilia cathartica, ad potentiora confugiendum, nimirum vesiaria, in morbis contumacibus; cum analogia inter morbum & remedium intercedere debeat, & vehementissima mala, præsidij æquè vehementibus expugnari debeant, imò valentioribus; mollia suis spiculis imbellibus expultricem satis excitare non valent, ad glutinosos & diffitos humores excernendos, proinde mochlicis indigemus in acutis & chronicis morbis *δυσκαταμάχους*. In acutis quidem, cum ab ortu ad exitum & exitum præcipiti motu feruntur, ut in apoplecticis insulstibus, in quibus non licet *αὐθήμερον* χερίν, cum in mochlico remedio ægrotantis salus posita sit; sicuti cum humor est in orgasmo *αὐθήμερον* φαρμακείον χερί, in malignis & soporosis affectibus, atque *ἐς τὸ δόχμα νέουμα ἀνέχεται* *ἐν τῷ ἐνδορῶδον* *ἰερίον*. Iis monstis profligandis pignora manus non sufficit, sed herculeâ clavâ opus est, remediis nimirum *πολεμιστοῖς*, quæ propter dissimilitudinem majorem expultricem vehementius stimulant, camarinam non solum movent sed emoveant, morbum non exasperant blandiendo, sed sanant: usurpatis autem supra modum clementioribus magna calamitas exoritur, nam dum mi-

3  
tia sectamur præceps occasio curandi perit, & labe successu temporis indelebilis partibus inusta, ex curabili insanabile malum evadit, propterea non utendum cunctatione ubi perniciosior est quies; *ἡ δὲ τῆς ποσότητος ἐμικρήν μακρὸς ὁ θάνατος αὐτοῖς κάρηνα γένεται.* cum itaque purgantium vulgarium & benigniorum morbus vim eludit etiam repetitorum, & ampliore dosi exhibitorum, Achilleis opus est.

## I V.

CUM plurimi morbi sint *μολύβδινος* *ἰσχυροῦ*, ad vinum è Stibio emeticum *ἡγεμονικόν* confugiendum est, cæteris moellicis præstantius, imprimisque scammonio, quod malignum est & quodammodo venenatum; partes ulcerat, spiritus & humores inflammat: coctione vis ejus purgans tenues vanescit in auras: qua de causa diapsyllium rejectum est; genuinum ad nos non deferitur scammonium, sed impurum contusione & expressione elicatum, imo miscella est confusanea, quæ scammonij nomine circumfertur, succis acrioribus tithymali, cataputiæ, & similibus conspurcata, quo fit ut scelerata hæc *μολύβδινος* furioso & seditioso civi comparetur: vi sua ignea intestina mordet & quodammodo fodit, cor, ventriculum, hepar reliquaque viscera conturbans. Colocynthis ferocior existens, ei malignitate non cedit, venas aperit, intestina corrodens gravioribus torsionibus excruciat, elleboro consimilis effectu & maleficio. euphorbium causticæ est virtutis, suæ actionis vehementia syncopem, frigidumque sudorem accersens. Elaterium hypercatharsim inducit, substantia constans ignea & terrea usta, serum tantum è distantissimis sedibus expurgat. Esula, soldanella, gratiola, iris ventriculo & visceribus insensa, summè calida & sicca atque acria sunt, sicut Ricinus, Lathyrus, Tithymela, Thymelæa, Chamaelea meserei species ejusdem sunt ordinis, serosam dumtaxat illuviem dejectione, nonnunquam vomitione vacuantia. Ellebotus albus ram violenter purgat ut prope strangular, *ἰσχυρὸν* & convulsionem lethalem inducens. lapis cyaneus & armenius inter venena recensentur, ventriculum evertunt & angunt, vomitione & dejectione molesti. Vinum è Stibio emeticum proinde necessarium est, ut pote *ἡγεμονικόν* & *ἡγεμονικόν* morbis averruncandis aptissimum, quod utramque purgationis paginam adimplet, humores noxios vomitione & dejectione reddens, quod ad plures usus instar gladij delphici destinatur, morbis qui vomitu indigent conferens, quatenus est *ἀντοτερικόν*; his autem qui per secessum curari postulant, quatenus est *κατατερικόν* admistum infuso foliorum orientalium. *πολύτροπον* existit Antimonium, ita dictum quod non unicum & solitatum sed multiplicem humorem expurget, nec similiter partem unam definit sed varias supernas, infernas, proximas, remotas stimulet, & ad excretionem universalem provocet. Adeo suave est illud vinum emeticum *ὀνίσιον*, ut qui alia cathartica averfuntur & refugiunt edulia, nequidem assumentes iustula protius deplorati, iucundum illud medicamentum deglutiant, cujus opera laxata alvo pristina nonnunquam sanitati restituitur.

## V.

CHEMICI nihilominus fumivenduli, ignorantia mystæ, saluberrimam illam antidotum, fœdis inscitia suæ vomitis venenare sategerunt, haud satis cautè, cum veneni naturam ignorent, Stibium commendantes dum metallorum aurum princeps innoxie repurgare profitentur, & homini animalium Regi esse salutare proclamant, eamque labem antimonio solum inurant, ut majorem à suis præparationibus laboriosis, sed inutilibus & perniciosius gloriam acquirant, & quæstum ampliorem faciant Thaumaturgi, sic-

que miracula è Stibio suo peculiari modo præparato promittentes, vanis pollicitationibus plebeculæ crumenas emungunt, in varias distracti sententias offuscium nundinatores, omnesque promittendi fallendique præstigiis ludificantur. Iatroscopi contra ἰατροί regium illud medicamentum purgantibus adscribunt, & facilem apparandi modum omnibus obvium proponunt, merè pharmaceuticum: putidulam veræ Medicinæ ancillulam, chemiam nimirum habentes despiciatui, cui deneganda est inventio virtutis catharticæ Stibij, cum ad Hippocratem referenda sit accepta, cujus accurata Stibij præparatio nobis ignota est, qua catharticum reddebat præstantissimum, sicuti & ejus ellebori præparatione tutissima, temporum injuria carremus: utroque uti solebat medicorum princeps tum in nares indito, tum per os assumpto ad purgationem universalem præstandam, profigandorum morborum δυσίατων gratia, illud tamen κυρίως catharticum σιλεχθράγοντες infamare non desinunt, calumniarum ideo postulandi, nullum vino ἰμετοσίοις præstantius habemus vomitorium, quod ὀφελιμώτατον & ἀλυσώτατον uomitum inducit, qui pituitam exhibet accuratè cum bile permixtam, quo totius corporis compages, quod humoris vitiosi collegit, effundit per vomitum, cujus emetici necessitas tanta est, ut illius opera in posterum medicina carere non possit; alia quidem adduci possunt ἐμύγεια sed insuavia, quædam evanida, quædam utilia sed non necessaria, quæ omnia illi collata longe inferiora deprehenduntur, ellebori vicem supplet quoties ejus oggerendi sese offert occasio, & indicationes vomitus universalis provocandi suppetunt; quo tempore levioribus armis res frustra suscipitur: pensare debet vir prudens evacuationis utilitatem cum damno quod partes percipiunt à validiore concussionem. Ad lipothymiam usque sanguis aliquando detrahendus valentibus viribus, id commodi adferens, quod partitis vicibus sanguinis eductiones nunquam supplebunt, qui non cedunt medicamento morbi ferro attingendi sunt, qui ferrum respuunt, igne perfrantantur, ita in catharticoorum usu gradatim procedendum est, nec ægrum convenit torquere toties quem possis semel malo redimere. Infamanda tamen non sunt præsidia quæ multis profuere, nec temere violentiora usurpare convenit & τὸ πρὸς ἐνκεφάλῳ τοῖς ποσὶν; satius etiam est re exigente anceps aliquid experiri remedium quam nullum, & patienter interitum expectare, quæ non eluit purgatio, extirpat vomitio. Palmarij istius remedij ὑποεισένου bonitatem & utilitatem cum multiplici experientia rationi innixa, comprobata haberet schola Parisiensis, celeberrimo decreto sancivit inter purgantia medicamenta numerandum esse antimonium, quod duplici senatusconsulto confirmatum fuit.

*Ergo morbis oppugnandis & expugnandis Stibium.*

## DOMINI DOCTORES DISPUTATURI.

M. Ludovicus Gallais.  
Scholarum Professor.

M. Petrus le Large.

M. Jacobus Thovart.

M. Franciscus Gobel.

M. Antonius Ioannes Morand.

M. Philibertus Morisset.

M. Petrus Cressé.

M. Al. Michaël Denyau. Prof. Reg.

M. Hermannus de Lamoignon.

Proponebat Lutetiæ PETRUS OZON, Argimontensis,  
A. R. S. H. MDCLXXII.